

*Towerlantern Fotografie*  
**fotografienuus**

april 2021

*'n Lug met helder wolke*

Lensopening: f11; Sluiterspoed: 1/160 sekonde; Fokale lengte: 21 mm

Die term "najaar" is miskien nie aan almal ewe bekend nie. Tog, dit gee 'n mooi beskrywing aan hierdie tyd van die jaar – dis nie meer somer nie, die herfs staan voor die deur, die dæ is behaaglik.

Hierdie uitgawe van *Fotografienuus* staan in die teken van die najaar soos wat ons voorbladfoto ook sê. Met 'n verskeidenheid foto's verderaan wil ons die najaar as't ware in jou huis inbring – sodat jy ook die mooiheid van die lewe kan geniet. Sorg ook dat jy aanblaai tot aan die einde toe. Daar het ons 'n uitstalling van najaarfoto's.

Ons voorbladfoto bring ons ook by die ander groot tema van hierdie uitgawe, naamlik wolkskappe en wolkfotografie. Miskien het jy nog altyd net vasgehaak by skemerwolke; dalk was jy nog atyd gefrustreerd met sons-  
ondergange wat vaal eerder as treffend is. Ons help graag met riglyne sodat jy "bokant die lyn" foto's kan neem.

Johan

**Redakteur:** Johan de Klerk

**Bladuitleg:** Fransa van [Colourcode Designs](#)

*Wil jy graag 'n bydræ lewer tot Towerlantern se nuusbrief?  
Kontak ons gerus vir meer inligting hieroor! Towerlantern  
behou die reg voor om sekere artikels / foto's nie te  
plaas nie. Menings uitgespreek in artikels is dié van die  
skrywers, en nie van Towerlantern self nie. Ons ontvang ook  
advertensies, doen gerus navraag.*

*Towerlantern Fotografie*  
- april 2021 -

# voorbladfoto

Towerlantern verkondig permanent: Sien die lewe om jou raak! Daarmee bedoel ons nie dat jy van alles foto's moet neem nie. Ons bedoel net, leef die lewe en wees reg met die neem van foto's; of dit nou met jou selfoonkamera of gewone kamera is. Wees bewus van die grond, die plante, die diere en die mense om jou. Kyk na die lug, en sê dankie vir die mooiheid daarvan en dat jy kan lewe.

Die voorbladfoto met wolke is 'n sprekende voorbeeld van "kyk na die lug". Min mense let op 'n weeksooggend om agtuur op na die lug en merk mooi wolke op. Hou egter in gedagte dat wolkfotografie 'n wonderlike en "maklike" fotogenre is. Wolkfotografie kan van enige plek – selfs jou werf – beoefen word.

Die tegniese inligting van die voorbladfoto word by die foto gegee en is standaard-instellings. Ons lig die stellings wel soos volg toe:

- ✓ 'n middelgrootte lensopening (f11) vir 'n gemiddelde velddiepte;
- ✓ 'n vinnige sluiterspoeë (1/160 sekonde) vir bewegende wolke; en
- ✓ 'n uitgezoemde lens (21 mm) vir maksimum wydheid en grootsheid van die toneel.

'n Belangrike, nie-tegniese saak, is dat wolkfoto's altyd geanker moet wees. Dit kan reggekry word met 'n boom of landskap in die foto. Die vraag is egter: Wat nou as daar oral rondom strukture is (soos in die voorbladfoto)? Die antwoord is: Maak vrede daarmee en neem die foto só dat dit min wys of weggesny kan word.

Lees verderaan ons wenke en riglyne vir wolkfoto's.

# Wenke

vir die neem van  
WOLKFOTO'S

**WENK 1** Wees bewus daarvan dat daar verskillende "-skappe"- fotogenres is, met die bekendste sekerlik landskappe. Ander sluit in seeskappe en waterskappe, en dan natuurlik ook wolkskappe.



**WENK 2** Moenie totaal negatief wees oor mensgemaakte strukture in wolkfoto's nie. Die foto hierbo is die voorbladfoto met die strukture weggesny. Dit wil eenvoudig net nie werk nie.

Almal het al sonsondergang-wolkfoto's geneem. Ons hoef egter nie net daarby stil te staan nie. Ons gee wenke om jou gedagtes bokant die lyn te bring; en ons gee ook riglyne verderaan.





**WENK 3** Speel met die kamera-instellings. Besef veral dat effens onderbeligte sonsopkoms- en sonsondergangfoto's, en ook ander tye van die dag, baie meer treffend is as dié wat net op 'n outomatiese kamera-instelling geneem is. Die foto hierbo is byvoorbeeld op 'n helder wintersoggend geneem. Die wolke was dramaties en besonders, maar die onderbeligting maak dit nog soveel meer dramaties en besonders.

**WENK 4** Onthou dat wolke deur die dag verskillende karaktertrekke het; en ook dat dit verskil van seisoen tot seisoen. Verder hang dit ook af van die bepaalde landstreek.

**WENK 5** Mik steeds vir 'n ankerpunt in wolkfoto's (soos reeds genoem) eerder as om net 'n foto vol wolke te hê.

**WENK 6** Wees bedag daarop dat weerlig soms ook saam met wolke (en wolkfotografie) kan gaan. Dit kan mooi foto's lewer – wees egter net versigtig.

**WENK 7** Let op na die verskillende tema-uitbeeldings van die voorbeeldfoto's hieronder.



*Touwerlantern Fotografie*  
- april 2021 -

# RIGLYNE

# VIR WOLKFOTOGRAFIE

Ons aanvaar die volgende:

- Jy is gemaklik ingerig vir wolkfoto's in 'n redelike oopte.
- Die kamera is op 'n driepoot opgestel.

Speel rond met die opstelling en kamera-instellings. Hanteer die beligting om kunssinnige foto's te kry.

## TIPE LENS

Vir 'n wye en grootse toneel moet daar so veel as moontlik uitgezoem word. Vir 'n standaardlens van 18-55 mm is die keuse dus 18 mm. Dit mag wees dat daar dan te veel steurende items in die foto is – zoem dan effens in.

## ISO

Hou die ISO so laag as moontlik – verhoog die waarde slegs as dit absoluut noodsaaklik is.

## FORMAAT

Waarskynlik sal landskap-formaat die beste wees.

## WITBALANS

Die witbalans-instelling sal heel moontlik "bewolk" wees, maar pas ook aan, byvoorbeeld na "helder son".

## LENSOPENING

Kies 'n groot tot medium grootte lensopening. Omdat die wolke ver is, is velddiepte nie 'n faktor nie. Pasop net vir naby bome en strukture.

## KEUSE VAN FOKUSPUNT

Omdat 'n wolk nie skerp is nie, is dit moeilik om op die wolk self te fokus. Kies dus 'n baie ver vaste punt, byvoorbeeld 'n berg of mensgemaakte struktuur, vir die fokuspunt en fokussing.

## SLUITERSPOED

Gebruik die kamera se liniaal vir die korrekte sluiterspoed. Die instelling moet redelik vinnig wees, sê maar 1/200 sekonde, vir in geval die wolke vinnig beweeg.

Kontroleer net weer die fokussing.

## FYN FOKUSSERING

# Atmosferiese VERSKYNSELS

Wolke is baie beslis die bekendste atmosferiese verskynsel, en reënboë (waaroor ons verlede maand gesels het) in die tweede posisie. Daar is egter nog baie ander atmosferiese verskynsels hoewel die meeste daarvan tipies nie in Suid-Afrika waar te neem is nie.

As jy meer hieroor wil lees, raadpleeg die volgende skakel:  
[https://en.wikipedia.org/wiki/Optical\\_phenomena](https://en.wikipedia.org/wiki/Optical_phenomena)

Ons noem slegs enkele:



*Sesriem-omgewing, Namibië*

**LUGSPIEËLING:** Hierdie is die bekende verskynsel bokant 'n warm teerpad of woestynsand (soos in die foto) waar dit lyk asof daar water op die pad of sand is. Dié verskynsel word veroorsaak deurdat ligstrale vanaf die lug net bo die horison weens die verskillende hittelæ bokant die terrein opwaarts na die kyker se oog gebuig word.

**FATA MORGANA:** Hierdie is die omgekeerde geval as die vorige. Dit kom voor bokant koue seewater of ysvelde. Dit kan selfs gebeur dat daar as't ware oor die ronding van die aarde tonele gesien kan word.



*Fata morgana (Alamy Stock Photo)*



*Sonhonde (Wikimedia)*

**SONHONDE:** Hierdie verskynsel kom selfs in Suid-Afrika voor en word veroorsaak deur ligbreking van sonlig deur yskristalle in die atmosfeer. Dit is een lid uit 'n groep atmosferiese verskynsels wat bekend staan as stralekrans-verskynsels.

*Towerlantern Fotografie*  
- april 2021 -



# DRIEPOOT

## – WAARNA OM OP TE LET

Wil jy 'n driepoot koop, of dalk moet? Waarna moet opgelet word? Ons gee enkele algemene wenke. Let beslis daarna op nog voordat jy die kamera koop.

- ✓ Verseker dat die driepoot jou kamera kan dra. As die kamera op die driepoot is en die pote is op die verste uitgetrek, moet die kamera baie **stewig** wees.
- ✓ Sorg dat jy **regop** – en nie geboë nie – staan as die gemonteerde kamera op sy hoogste posisie is.
- ✓ Maak seker dat die driepoot **nie te lig** is nie, maar aan die ander kant ook nie te swaar nie. Jy moet dit immers kan dra.
- ✓ Die dwarsnit van die pote moet eerder **rond** as vierkantig of driehoekig wees. Dit gee beter stewigheid.
- ✓ Die verbindingstuk tussen die driepoot en kamera moet verkieslik die **skarniertipe** (Engels: *pan and tilt head*) wees en nie die baltipe (Engels: *ball head*) nie. Die foto wys die idee.
- ✓ Koop die driepoot eerder by 'n **spesialiswinkel** as by 'n algemene handelaar.

# FOTO- *idees*

Klank

Maak jou keuse van mooi musiek. Luister daarna en luister ook na die woorde. Laat die musiek en woord jou inspireer om foto's te neem. Hier is een idee: *Lief vir alles hier* van André Schwartz. Luister by <https://youtu.be/qVmzc2fa76l>

Sig

Kies 'n onderwerp en soek op internet na foto's daarvan. Probeer die foto's nadoen. Jy hoef dit nie te beskou as plagiaat nie; beskou dit bloot net as oefen. Jy sal in elk geval na alle waarskynlikheid dit nie so kan kry soos wat die oorspronklike fotograaf dit gekry het nie. As alternatief, probeer ook om jou foto's van vroeër oor te doen.

Reuk

Maak 'n draai in jou kombuis en mik vir die kruie- en speseryrak. Daar moet sekerlik 'n geur wees wat jou aan iets laat herinner. Volg dié herinnering en neem foto's daarvan. En as jy dalk besluit om pannekoek te bak, stuur foto's daarvan vir Towerlantern. Dink ook aan:

My nooi is in 'n nartjie,  
my ouma in kaneel,  
daar's iemand ... iemand in anys,  
daar's 'n vrou in elke geur!  
- DJ Opperman



# Skryf in vir een van ons *aanlynkursusse*

Towerlantern Fotografie bied verskillende aanlynklasse in Afrikaans aan; party op enige tydstip, ander net op afgespreekte tye.

## EERSTEVLAKKURSUS

'n Eerstevlakkursus waarin ons by die heel begin begin. Dié kursus behels sake soos komposisie, lig en kamera-instellings. As jy wonder waar jy moet begin, dan is dit hier. Die kursus kan enige tyd begin.

Aantal lesings: 6  
Spesiale prys tot  
einde April: R1000

25%  
AFSLAG

## GEVORDERDEVLAKKURSUS

'n Gevorderdevlakkursus waarin ons die basiese onderwerpe van die eerstevlak verder voer. Aandag word aan verskeie genres gegee en die lyn word verder deurgetrek na impressionistiese fotografie. Hierdie kursus kan ook enige tyd begin.

Aantal lesings: 8  
Spesiale prys tot  
einde April: R1000

25%  
AFSLAG

## SPECIALISKURSUS

'n Spesialiskursus waarin op 4 onderwerpe gekonsentreer word. Hierdie kursus bou voort op dit wat in die gevorderdevlak gedoen is. Die hoofklem is egter hier praktiese werk – ook soms in moeiliker omstandighede. Hierdie kursus word halfjaarliks aangebied.

Aantal lesings: 8  
Spesiale prys tot  
einde April: R1000

25%  
AFSLAG

## SELFOONKAMERAKURSUS

'n Selfoonkamerakursus waarin die basiese elemente van fotografie bespreek word, met toepassing op jou selfoon. In hierdie kursus sal jy meer leer hoe om besondere foto's te neem tot hoe om fotoverwerking op jou selfoon te doen.

Aantal lesings: 4  
Prys: R500

Doen vir al hierdie kursusse navraag by: [johan@towerlantern.co.za](mailto:johan@towerlantern.co.za)

Daar is steeds die permanente reëling dat daar 'n goëdkoper tarief is as twee persone uit dieselfde gesin saam aan 'n kursus deel het.

*Towerlantern Fotografie*  
- april 2021 -

## advertensie

Pentax K20D in goëie werkende toestand te koop.  
70-300mm Sigma lens addisioneel. **Maak 'n aanbod.**

[https://www.bhphotovideo.com/c/product/542060-REG/Pentax\\_19381\\_K20D\\_SLR\\_Digital\\_Camera.html/overview](https://www.bhphotovideo.com/c/product/542060-REG/Pentax_19381_K20D_SLR_Digital_Camera.html/overview)

The **Pentax K20D SLR Digital Camera** provides the perfect combination of advanced SLR functions and ease-of-use features to satisfy the photo enthusiast and professional photographer. The 14.6 megapixel CMOS sensor offers superior image resolution with maximum control over noise, and the sensor-shift Shake Reduction system is compatible with any Pentax lens ever produced, including the latest SDM lenses.

Skakel  
Elmarie de Beer  
0826031464



## OP INTERNET GESIEN



Het jy geweet dat rook eintlik uit klein deeltjies bestaan? Ons het hierdie foto van Grover Schroyer op internet raakgeloop en dink dis 'n oulike idee om na te volg. Speel rond met rook en makrofoto's en stuur gerus van jou foto's vir ons.

Jy kan na nog van Schroyer se foto's kyk by:  
<https://www.flickr.com/photos/14833125@N02/>



# HOËSPOEDFOTOGRAFIE

Alle fotografe weet dat die keuse van die sluiterspoed-stelling 'n reuse effek het op hoe bewegende onderwerpe vasgevang word.

Vir alledaagse gebruik sal 'n sluiterspoed van 1/50 sekonde reeds sorg dat daar min beweging in 'n foto is (afhangende natuurlik van die spoed van die onderwerp). Maar wanneer die sluiterspoed vinniger as 1/500 sekonde word, sal jy die volle effek begin sien van die vinniger sluiterspoed se vermoë om beweging te vries.

Vir die beste resultate by hoëspoedfotografie, moet jy die volgende sake in gedagte hou:

- 'n groot lensopening (f2.8 en groter)
- baie goeie lig-omstandighede
- 'n hoër ISO, binne perke (800+).

Benut ook die "burst"- of "continuous"-stelling om 'n reeks foto's na mekaar te neem – sodat jy niks mis nie!

Ten slotte, as jy foto's wil neem van waterballonne wat bars of water wat spat, sal jy baie goeie beligting benodig, byvoorbeeld dié van 'n ekstra skerp lig of goeie kameraflits.

Stuur jou foto's vir ons!

Word deel van  
Towerlantern se  
*Fotovriende*

Wil jy graag maandeliks 'n fototema ontvang waaraan jy kan werk? Ons bied jou die geleentheid om aan te sluit by ons Fotovriende-groep. Al vereiste is dat jy 'n redelike beheer oor jou kamera (of selfoonkamera) se instellings moet hê.

Die fyner detail is soos volg:

- ✓ Die maandelikse opdrag word aan die begin van 'n maand uitgestuur.
- ✓ Vyf foto's moet teen die 25e van die maand ingestuur word vir bespreking. Dit kan aparte foto's wees, maar ons verkies dit in 'n PowerPoint-aanbieding.
- ✓ Die koste is R50 per maand, R135 per kwartaal of R480 per jaar. Jy kan enige tyd begin.

As 'n lusmaker: In die galery hierna word foto's uitgestal van 'n aantal Fotovriende se Maart-foto's. Die tema was NAJAAR. Geniet dit saam met die uitstallers.



GALERY: NAJAAR

*Fotovriende*

Fotograaf: Dorette Cilliers

Titel: Wanneer die natuur sy somersjas ophang en homself in najaarsklere uitdos



GALERY: NAJAAR

*Fotovriende*

Fotograaf: Elize Odendaal  
Titel: Vat jou goed en trek ...



GALLERY: NAJAAR

*Fotoveriende*

Fotograaf: Elna Geringer  
Titel: Dragon fruit smoothie



GALERY: NAJAAR

*Fotovriende*

Fotograaf: Gawie Rousseau  
Titel: Herfsblare



GALLERY: NAJAAR

*Fotovriende*

Fotograaf: Johan de Klerk  
Titel: Granaat-tolbos



GALLERY: NAJAAR

*Fotovriende*

Fotograaf: Johann Nel  
Titel: Handvol gras ...



GALERY: NAJAAR

*Fotovriende*

Fotograaf: Josef Steyn  
Titel: Die najaar in 'n lensbal



GALLERY: NAJAAR

*Fotovriende*

Fotograaf: Kobie Fourie  
Titel: Want liefde kosmos niks



GALLERY: NAJAAR

*Fotovriende*

Fotograaf: Lallie Campher  
Titel: Kaggelsnoesigheid



GALLERY: NAJAAR

*Fotovriende*


Fotograaf: Lydia le Roux  
Titel: Najaar-kosbaarheid



GALLERY: NAJAAR

*Fotovriende*

Fotograaf: Marinda Erasmus  
Titel: Die verskillende fases van herfs



GALLERY: NAJAAR

*Fotovriende*

Fotograaf: Peet Ryke

Titel: Bruin bly staan, maar Najaar laat groen vir geel vertaan



GALERY: NAJAAR

*Fotovriende*

Fotograaf: Tanya Reeder  
Titel: Bytjie-partytjie



GALLERY: NAJAAR

*Fotovriende*

Fotograaf: Veronica Heersink  
Titel: Najaarslelies – onaangeraak